

蒙兀兒史記

結一宦主人自題

書

卷九 記 一 官 人 世 理

忽必烈可汗本紀第六

蒙兀兒史記卷第七

武進屠寄纂

忽必烈可汗。拖雷第四子。蒙格可汗同母弟也。以宋嘉定八年八

月乙卯生。及長。仁明英睿。思大有爲於天下。蒙格汗登極。以同母

弟惟汗最長且賢。盡屬以漠南漢地軍國庶事。開府金蓮川。地產金蓮故名

在獨石口外。卽舊紀。不忽都之地。廣延蒙兀耆宿及中原文學之士於潛邸。咨訪治道。

先是幹歌歹汗朝。立軍儲所於新衛。收山東河北丁糧給軍。時惟

計直折銀帛。歲壬子。汗請於蒙格汗。築五倉河上。始令民入粟。會

宋兵侵軼河南。號之盧氏。河南之永寧衛之八柳渡。奏立經略司於汴。以忙哥史天澤楊

惟中趙璧爲使。陳紀楊果參議。督萬戶史樞屯田唐鄧閒。完城積

粟以備之。是年七月。奉命南征大理。明年八月。師次臨洮。九月次

忒刺。疑卽秃刺蠻之地。在敘州西。分三道進。大將兀良合台帥西道兵。取旦當路。地名見元

良合台傳舊紀作晏當。形近誤。諸王抄合。句也。只里。合赤溫曾孫名見世表舊紀作也只烈。帥東道兵向白蠻。

汗由中道至滿陀城。其舊名冬十月。過大渡河。西午又經行山谷二千餘

里抵金沙江。乘革囊及楫以濟。摩些蠻酋迎降。摩些亦作摩娑距大理西北四百餘里十

一月。師至白蠻打郭寨。寨主出降。丁酉其姪堅辟拒守。攻拔斬之。進

次三甸。白蠻送款。十二月。師薄太和城。西震大理國都也。時國主段

興智駐別都鄯闡。今雲南會城權臣高泰祥畱守。帥眾夜遁。遂入其城。後

三日。西道兵亦至。又四日。諸王也古。疑卽合撒兒子大將霸突魯追斬高泰

祥於姚州。汗命兀良合台畱討。未下。諸部蠻夷以劉時中爲大理

宣撫使。與段氏同安輯其民。遂班師。甲寅冬。北覲蒙格汗於也滅

干哈里义海之地。據憲宗紀還駐金蓮川。丙辰。城龍岡。作宮室。舊紀是年冬駐于合刺人刺合

孫華言黑城地在蓋里泊上初。蒙格汗以漢地分封親藩。而雅愛汗命於南京關中

自擇其一。汗受關中。立從宜府於京兆。屯田鳳翔。分兵南戍興元。

割河東解池鹽給軍。募民受鹽入粟。轉漕嘉陵。又立交鈔提舉司。

印鈔以佐經用。遣王府尙書姚樞立京兆宣撫司。李蘭。至元中繼安童者有丞相李羅

此楊惟中爲使。後又改命廉希憲。而姚樞爲勸農使。許衡提舉學

校。關隴大治。蒙格汗嘉汗平大理功。以關中戶寡。益懷孟爲分地。

於是地廣權重。親貴多忌之。或謂汗深得漢土人心。財賦盡入王

府。恐枝大於本。不利朝廷。蒙格汗惑其言。歲丁巳。命阿藍荅兒及

劉太平行尙書省事於京兆。置局鉤考陝西河南錢穀。大開告訐。

志傾藩邸。是年冬。汗用姚樞言。盡遣妃主還和林。且奉身朝蒙格

汗於也可迭烈孫行在。義謂大平川卽憲宗紀玉龍樓類編謂自見憲宗於六盤殊未考明年四月憲宗始駐蹕六盤山也蒙格汗

感悟。遂罷鉤考局。汗所置諸司亦省。時議分道伐宋。蒙格汗自將

入蜀。命汗別將取鄂州。歲戊午十一月。禡牙龍岡啟行。己未二月。

會諸王於邢。五月。次小濮。七月。次汝南。命霸突魯前鋒備糧漢上。

戒諸將毋妄殺。仍命楊惟中郝經宣撫江淮。必闔赤孫貞督軍須

蔡州。八月。渡淮。入大勝關。宋戍兵皆遁。進次黃陂。釋淮上俘民。晦

日。臨江。九月朔。晉書親王末哥。名從世表舊紀作穆哥自合州遣使以蒙格汗凶

問至。且請北歸繫人望。汗曰。吾奉命南伐。豈可無功遽還。三日。登

香鑪山。俯瞰大江。江北有武湖。湖東陽邏堡。其南岸直潁黃洲。宋

以大舟掘江津。軍容甚盛。汗發銳卒。駕輕舸嘗之。奪其二艦以還。

卽夜命木魯花赤張文謙等具舟。遲明將濟。江上風雨晦冥。諸將皆謂未可渡。汗不聽。下令揚旗伐鼓。分道竝進。天忽開霽。與宋師三接中流。多所斬獲。徑達南岸。苦徹拔都兒帥百騎偕降人王冲道。李宗傑訾郊馳往鄂城招諭。甫至東門。矢雨下。冲道墜馬。爲敵所殺。宗傑郊奔還。苦徹戰卻追者。諸軍遂圍鄂。庚戌時宋都統張勝權知鄂州。嬰城固守。呂文德自重慶以舟師來援。乘夜突入城。城守益堅。安撫賈似道新拜右丞相之命。屯兵漢陽。爲鄂聲援。已而張勝戰死。續通鑑謂與苦徹拔都兒戰死。然元史苦徹傳未言。高達代將。達亦能軍。汗先後卓帳烏

龜牛頭二山。督諸將攻之。累月不下。時先朝大臣孛魯合阿藍荅

兒等謀。奉汗弟阿里不哥稱大號。徵兵漠南北。將以拒江上歸師。

察必可敦密使來告。郝經廉希憲等固請歸主神器。汗從之。十一

月。師發牛頭山。丁卯誓言趣臨安。畱霸突魯主圍鄂軍。閏月朔。庚午還

駐青山磯。次日。臨江岸。遣張文謙還諭諸將曰。遲六日當去鄂。退保許黃洲。命文謙發降民二萬北歸。賈似道懼。密遣

其幕僚宋京如師。請畫江爲界。歲奉銀絹各二十萬兩匹以和。汗

命趙辟語之曰。汝以生靈之故來請和。意甚善。然我奉命南伐。豈能中止。果有事大之心。當請於朝。是日班師。汗輕從乘傳。先大軍

至燕

己丑日。凡在道行十八日。

放散新僉民兵。民大說是冬。駐營燕京近郊。

歲庚申

宋景定元年

春三月戊辰朔。日有食之。汗至龍岡新城。親王合丹

阿只吉帥右手諸王。國王塔察兒及也孫格忽刺忽兒。爪都帥左手諸王來會。與諸大臣勸進。汗三讓諸王大臣固請。辛卯。卽皇帝

位

延會二日。十四日。

升龍岡新城爲開平府。

以禡禡趙辟董文炳爲燕京路

宣撫使。

夏四月戊戌。立中書省。以王文統平章政事。張文謙爲

左丞。

辛丑。以卽位詔天下曰。朕惟祖宗肇造區宇。奄有四方。武

功迭興。文治多闕。五十餘年於茲矣。蓋時有先後。事有緩急。天下

大業。非一聖一朝所能兼備也。先皇帝卽位之初。風飛雷厲。將大

有爲。憂國愛民之心。雖切於已。尊賢使能之道。未得其人。方董夔

門之師。遽遺鼎湖之泣。豈期餘恨。竟勿克終。肆予冲人。渡江之後。

蓋將深入焉。乃聞國中重以僉軍之擾。黎庶驚駭。若不能一朝居

者。予爲此懼。驛騎馳歸。目前之急雖紓。境外之兵未戢。乃會羣議以集良圖。不意宗盟輒先推戴。左右萬里。名王巨僚。不召而來者有之。不謀而同者皆是。咸謂國家大統不可久曠。神人重寄不可暫虛。求諸今日。太祖適孫之中。先皇母弟之列。以賢以長。止予一人。雖在征伐之間。每存仁愛之念。博施濟眾。實可爲天下主。天道助順。人謨與能。祖訓傳國大典。於是乎在。孰敢不從。朕固辭再三。祈懇益堅。誓以死請。乃俯順輿情。勉登大寶。自惟寡昧。屬時多艱。若涉淵冰。罔知攸濟。爰當臨御之始。宜新弘遠之規。祖述變通。正在今日。務施實德。不尚虛文。雖承平未易遽臻。而飢渴所當先務。略舉其切時便民者。條列於后。於戲。曆數攸歸。欽應上天之命。勳親斯託。敢忘烈祖之徽。建極體元。與民更始。朕所不逮。更賴我遠近宗族。中外文武。同心協力。獻可替否之助也。誕告多方。體予至意。丁未。以翰林侍讀學士郝經爲國信使。翰林待制何源禮部郎中劉人傑副之。使宋議和。且徵前約。遣帖木兒李舜欽等行。

部蓋行

考課各路諸色工匠

置急遞鋪

僉鋪兵一晝夜行
四百里以速軍機

徵諸道兵

六千五百人入宿衛

前朝宿衛在和林屬阿里
不哥故汗即位後別徵

阿里不哥僭號於和林城

西額垓兒阿勒台水上

舊紀作
按坦河

高麗王暉以去歲六月薨是月其

世子倬歸國嗣位

五月戊辰朔詔燕帖木兒忙古帶節度黃河

以西諸軍

丙戌建元中統詔曰祖宗以神武定四方淳德御羣

下朝廷艸創未皇潤色之文政事變通漸有綱維之日朕獲纘舊

服載擴丕圖稽列聖之弘規講前代之定制建元表歲示人君萬

世之傳紀時書王見天下一家之義法春秋之正始體大易之乾

元炳煥皇猷權輿治道可自庚申年五月十九日建元爲中統元

年甲午以將討阿里不哥大赦詔曰我國家列祖肇基先皇繼

統惟圖日闢疆宇未免歲耀兵威事有當爲時難遽已朕獲承丕

祚已降德音念士卒暴露者久之而人民離散者多矣干戈載戢

田里俾安不期同氣之中俄有閼牆之侮顧其冲幼敢啟茲謀皆

被姦讒相濟以惡彼既階於禍亂此當應以師徒朕惟父母兄弟

之親宗廟社稷之重遣使敦諭至于再三亂紀執迷曾無少革以致宗族共怒戈甲乃興重念兵方弭而復徵民甫休而再擾危疑未釋反側不安註誤者至及於無辜拘囚者或生於不測非朕本意盡焉傷心宜推曠蕩之恩普示哀矜之意於戲悛心或啟忍加管蔡之刑內難既平續返成康之治咨爾臣庶體朕至懷詔求

直言理冤殲均賦役撫軍士止貢獻

分漢地爲十路各置宣撫

司賽典赤李德輝使燕京路徐世隆副之宋子貞使益都濟南路王磐副之史天澤使河南路

河南大路天澤下必有副史失之

楊果使北京路趙炳副

之張德輝使平陽太原路謝瑄副之布魯海牙使眞定路劉肅副

之姚樞使東平路張肅副之張文謙使大名彰德路游顯副之粘

合南合使西京路崔巨濟副之

三月張啟元曾爲之副

廉希憲使京兆等路商

挺副之

希憲奉使在三月以陝西四川有阿里不哥黨劉太平渾都海乞台不花密里火者等在彼故也此處總紀十道連類及之耳非五月始奉使也三月所紀希憲上誤列八春

而商挺亦爲使挺傳同其實挺乃副使

詔平陽京兆路宣撫司僉兵七千人付萬戶鄭

鼎昔刺忒古帶領之分守延安諸隘

徵諸路兵三萬衛京師

命鞏昌權總帥汪良臣統所部漢軍守沿河隘口立縉山至望

雲海青驛非軍事毋得輒入六月戊戌詔燕京西京北京三路

宣撫司運米十萬石輸開平及撫州沙井魚兒灤以備軍儲加

益都行省李壇江淮大都督劉太平霍魯懷託前朝遺命行省

於京兆結六盤守將渾都海等謀據秦蜀以應阿里不哥廉希憲

至矯詔執殺太平霍魯懷并殺乞台不花於東川清屠明里火者於

西川成都渾都海遂舉兵詔京兆等路宣撫司以蒙兀斷事官八

春節制諸軍詔東平路萬戶嚴忠濟發精兵萬五千人赴開平

以石長不按石長不疑當作石抹長不佩虎符爲大理總管高麗王僨遣其子

永安公僖判司宰事韓卽來賀卽位以封冊符印賜之秋七月

癸酉以燕京路宣撫使禡禡行中書省事是時燕京未爲都且無中書省署故曰行宰相表誤列禡禡右丞相

趙璧平章政事張啟元參知政事授王鶚翰林學士承旨兼脩

國史以河南宣撫使史天澤兼江淮諸翼軍馬經略使丁丑

設祖宗神位於行中書省原闕遣官致祭樂用登歌立互市於額

州漣水光化軍。禁私商越境。犯者死。汗自將征阿里不哥。八

月己酉。升京兆等路宣撫司為秦蜀行中書省。以廉希憲為右丞。

行省事。李壇再請益兵伐宋。以方遣使脩好。不許。九月丁卯。

行在轉都兒哥之地。釋地詳阿里不哥新傳以阿里不哥逆命。詔告中外。初

置拱衛儀仗。阿藍荅兒自和林帥師至西涼。與渾都海合軍。是

月丙戌。諸王合丹。句不者克權總帥汪良臣等與戰。大敗諸刪丹。

追斬之。舊紀及它傳均稱斬二將於姑臧。按姑臧為漢涼州治。宋元無此縣名。按竺邈汪良臣二傳均稱獲阿藍荅兒渾都海於刪丹之耀碑谷。刪丹屬甘州東與涼州相接。故舊史

地望相混。冬十月癸卯。初行中統鈔。自十文至二貫。凡十等。不限年。今訂正之。戊午。

行在黃兀之地。黃兀舊紀作昔光。形近之。譌按黃兀為汪吉之音差。即定宗即位汪吉宿滅禿里之地。今圖翁金河上地北距和林城二百餘里。汪吉黃兀翁金皆

聲近譯異之字。舊紀下文書帝至自和林指此。諸王也孫格為王師前鋒。與阿里不哥前鋒親王

出木哈兒。旭烈兀次子哈刺察兒。幹歌歹汗庶子名。見世表。洪譯阿里不哥傳作喀拉札音。近但哈刺察兒當已薨於憲宗朝。王子年前知者。憲宗紀

二年王子遷脫脫於葉密立地。脫脫為哈刺察兒之子。必其父已前歿。始以封地分諸其子。此之哈刺察兒蓋以位言。遇一戰敗之。其後軍間前

鋒敗。不戰自潰。阿里不哥北奔欠欠州。汗遂下令班師。以上軍事据多桑乞迷亞可丁

補書十二月乙巳。汗至自和林。駐蹕燕京近郊。燕京城金末已毀。尚未脩復。無宮室可居。故云然。

命禮部郎中孟甲員外郎李文俊充南諭使副。奉詔取道大理

使安南

以西僧八思巴

原作八思巴

為帝師。賜玉印。掌釋教。

是歲以

吏戶禮為左三部。兵刑工為右三部。各設尙書二員。立太常寺

玉宸院儀鳳司符寶局御酒庫。

賜親王末哥

名見世表舊紀作穆哥親王中尙有旭烈兀宜賜原闕

銀二千五百兩。諸王阿只吉銀五千兩。文綺帛各三百匹。金素半

之。諸王海都銀八百五十兩。文綺帛各五十匹。金素半之。

海都未預會而有賜

則拙赤子別兒哥亦宜有賜舊紀失載

只必帖木兒銀八百三十三兩。觀兒赤也不干銀

各八百五十兩。

觀兒赤也不干皆合丹子且有賜則合丹九宜有賜舊紀失載

忽魯互

名見世表舊紀作兀魯忽帶闊列堅子

銀

五千兩。文綺帛各三百匹。金素半之。

忽魯互所賜與阿只吉數同蓋亦預大會者以上皆右手大王

諸王塔

察兒阿朮魯鈔各五千九挺有奇。

干原作十按元鈔每挺折銀二兩塔察兒首帥東道諸王推戴有大功宜蒙厚賞賜鈔必不止

五十九挺十蓋千字之誤今改正

縣五千九百八斤。絹五千九十八匹。文綺帛各三百

匹。金素半之。

二王幹赤斤位下者

伯木兒

合撒兒後王

銀五千兩。文綺帛各三百匹。金

素半之。

合撒兒之子移相哥即也孫格預大會亦宜有賜舊史失載

阿勒赤互

成吉思弟合赤溫之子原作按只帶依祕史改

忽刺忽兒

句哈丹

句忽刺出

句勝納合兒

五王皆合赤溫位下者

爪都

別勒古台位下者

銀各五千

兩。文綺帛各三百匹。金素半之。

以上皆左手大王

都魯牙忽

鄒代過以都魯牙忽為二王名疑都魯即禾忽

子南平王禿魯牙忽即合撒兒少子也古然果係二王下文當稱銀各八百三十三兩云云今舊紀無各字鄒說殊不敢遽信亦未詳都魯牙忽所出

銀八百三十

三兩。縣五十斤。先朝皇后帖古倫

與后妃表世祖大皇后同名不詳何汗之后疑即世祖后之薨於憲宗時者故稱先朝

銀二千五百兩。羅絨等折寶鈔二十三挺有奇。皇后幹者思

想亦先朝之后

素

銀二千五百兩。兀魯忽乃妃子

兀魯忽乃妃名不見后妃表

銀五千兩。自是歲以

為常

中統二年

宋景定二年

春正月。宋兵圍漣水。李壇迎戰敗之。賜詔獎諭給

金銀符以賞將士

此宋兵殆李壇所召其戰功亦妄報者

壇擅發兵脩益都城塹

二月

丙午。車駕如開平。詔減免民間差發。罷守隘諸軍

所減罷者專指開平之地

詔

行中書省事。禡禡及平章王文統等帥十路宣撫使赴闕

三月

壬戌朔。日有食之

夏四月丙午。詔儒士被俘者聽贖為民

命

十路宣撫司勸農桑。抑游惰。禮高年。問民疾苦。舉文學才識。可以

從政。及茂才異等。列名上聞。以備擢用。其職官污濫。及民不孝悌

者。量輕重議罰

以禮部郎中劉芳使大理等國

是月。驪馬渾

祭天於桓州之西北。皇族外無得預。五月遣崔明道李全義爲

詳問官。詣宋淮東制置司。訪問國信使郝經等所在。仍以稽留信

使。侵擾疆場。詰之。弛諸路山澤之禁。禁私宰馬牛。並申嚴越

境私商販馬。違者梟死。遙授河南經略使史天澤中書右丞相。

河南軍民並聽節制。詔成都路置惠民藥局。以姚樞爲太子

太師。竇默爲太子太傅。許衡爲太子太保。皆辭不拜。六月癸巳。

括漏籍老幼等戶。協濟編戶賦稅。罷諸路拘收李蘭奚。蒙文祕史旁解奴婢

曰李幹勒即李蘭異譯奚爲尾聲禁諸王擅遣使招民及徵私錢。詔諭十路宣撫

司及管民官。定鹽酒稅課等法。定中外官應馳驛者乘馬數。各

有差。詔各路宣聖廟。有司歲時致祭。諸儒月朔釋奠。諸官員使

臣軍馬毋得宿廟。及聚飲理訟其中。書院亦如例。違者治臯。敕

諸路造人馬甲及鐵裝具萬二千。輸開平。宋廬州安撫使劉整

籍管內十五郡來降。以整行夔府路中書省事兼安撫使。佩虎符。

仍諭都元帥紐璘存恤其民。罷五金諸顏料坑冶所役夫。及河

南舞陽薑戶藤花戶。還之州縣。賜大理國王段實虎符。優詔撫諭之。命李壇領益都路鹽課。出工局繡女。聽其昏嫁。懷孟水利提舉王允中。大使楊端仁鑿沁渠成。溉田四百六十餘頃。賜渠名廣濟。高麗王僉更名禎。遣其世子湛奉表來朝。以不花爲中書右丞相。耶律鑄左丞相。張啟元右丞。賜管領崇慶及黎雅威茂邛灌七處軍民小太尉虎符。秋七月。立軍儲都轉運司。以馬月合乃周錯爲使副。初立翰林國史院。以史天澤監脩國史。耶律鑄王文統監脩遼金史。諭河南管軍官量存近城牧場。餘聽民耕。從巴思荅兒請。立高麗鴨綠江西互市。遣官持香帛代祀岳瀆海鎮及后土。凡十有九處。分五道。自是歲以爲常。以萬家奴爲安撫高麗軍民荅魯合臣。詔許衡卽其家教授懷孟生徒。命西京宣撫司造船。通西夏漕運。遣納速剌丁孟甲使安南。以牛驛雨雪道途泥濘。改立水驛。築玉華宮於眞定。奉安睿宗御容。命邊將舉兵伐宋。詔曰。朕卽位之後。深以戢兵。

爲念。故年前遣使於宋。以通和好。宋人不務遠圖。伺我小隙。反啟邊衅。東禦西掠。曾無寧日。朕今春還宮。諸大臣皆以舉兵南伐爲請。朕重以兩國生靈之故。猶待信使還歸。庶有悛心。以成和議。畱而不至者。今又半載矣。往來之禮遽絕。侵擾之暴不已。彼嘗以衣冠禮樂之國自居。理當如是乎。曲直之分。灼然可見。今遣王道貞往諭。卿等當整爾士卒。礪爾戈矛。矯爾弓矢。約會諸將。秋高馬肥。水陸分道而進。以爲問臯之舉。尙賴宗廟社稷之靈。其克有勳。卿等其宣布朕心。明諭將士。毋替朕命。八月丁酉。命開平守臣釋奠於宣聖廟。以饗典赤平章中書省事。粘合南合爲右丞。闊闊左丞。以賀天爵爲金齒等處宣撫使。忽林伯副之。以賈文備爲開元女真水達達等路宣撫使。禁以俘掠婦女爲娼。許衡拜國子祭酒。姚樞大司農。竇默翰士侍講學士。初立諸路勸農使司。以忙古帶使涿州。粘合從中使河閒。李士勉使邢洛。崔斌使平陽。陳天錫使河南。成仲寬使濟南。陳膺武使東平。陳邃使濱棣。